

**INSTRUCCIÓN DA XERENCIA 2/2023, DO 2
DE FEBREIRO, PARA A CONTRATACIÓN
DE PERSOAL CON CARGO A PROXECTOS
FINANCIADOS POLA XUNTA DE GALICIA**

Tal e como se indicaba na instrución da xerencia 12/2021 do mesmo título, nas diferentes convocatorias de axudas para potenciar a I+D+i financiadas pola Xunta de Galicia establécese que as datas de finalización das anualidades non coinciden coa data de finalización do exercicio económico.

Así pois, pode ocorrer que no relativo aos custos do persoal contratado, ao realizar a retención de crédito na aplicación orzamentaria, as nóminas e seguridade social de setembro, outubro, novembro e decembro pertencen e se xustifiquen na seguinte anualidade.

Polo tanto, naquelas convocatorias con anualidades estancas onde ocorra esta situación, e a convocatoria permita xustificar estas mensuralidades na anualidade seguinte, poderase solicitar o anticipo do crédito da anualidade seguinte para estes conceptos co gallo de non reter un crédito na anualidade en curso que corresponde á seguinte anualidade. Para estes efectos o Servizo de apoio a Investigación e Desenvolvemento comunicará ás persoas administradoras de cada ámbito, os proxectos cuxa convocatoria permita a referida xustificación.

Polo que, as persoas administradoras de cada ámbito poderán solicitar ao Servizo de Apoio á Investigación e o Desenvolvemento un anticipo da anualidade seguinte do importe retido no exercicio económico en curso que corresponda coa seguinte anualidade.

Este anticipo poderá solicitarse con data límite o 30 de setembro de cada ano, excepto que algunha das convocatorias contempladas nesta instrución teñan unha data de resolución definitiva posterior, en cuxo caso poderá estenderse sempre tendo en conta a dispoñibilidade e a instrución de peche de exercicio.

A/A ADMINISTRADORES DE ÁMBITO
A/A SERVIZO DE APOIO Á INVESTIGACIÓN E DESENVOLVEMENTO
A/A SERVIZO DE CONTABILIDADE, ORZAMENTOS E TESOURERÍA
A/A SERVIZO DE PDI
A/A VICERREITORÍA DE INVESTIGACIÓN

